

CONCELLO PLENO

ACTA DE SESIÓN

ORGANO: CONCELLO PLENO.

ACTA NUMERO: 2022/05

CARÁCTER: ORDINARIA

CONVOCATORIA: Primeira.

DATA: 14 de xullo de 2022

Sendo as vinte horas do día 14 de xullo de 2022 reúnese o Pleno do Concello en sesión convocada ao efecto con carácter **ORDINARIO** baixo a presidencia do **Sr. Alcalde D. Fernando Suárez Barcia** e coa asistencia das persoas que á continuación se indican:

Concelleiros presentes

Por Bloque Nacionalista Galego

D.Fernando Suárez Barcia (Alcalde)

D^a María Luz Alvarez Lastra

D. Pablo Vizoso Galdo

D^a Mónica Freire Rancaño (a través de videoconferencia)

D.Marcos A. Villamil Martínez (a través de videoconferencia)

D^a María del Pilar Otero Cabarcos

D.Jorge Díaz Freije

Por Partido Popular

D.Daniel Vega Pérez

D^a Elisa Concepción Rodríguez Sanjurjo

D^a Begoña Sanjurjo Santar

D^a María Elena Sierra Pulpeiro

Por Partido dos Socialistas de Galicia-PSdeG-PSOE

D^a Marta García Rey

D.Francisco Javier Torviso Berdeal (Disculpa ausencia)

Secretario Xeral:

D. José Antonio Carro Asorey

Interventora:

D^a María Cristina González Santín

Técnico Admón. Xeral:

D.José Rodil Veiga



Comprobado que se dá o quórum legalmente esixido para a válida celebración das sesións do Pleno do Concello, nos termos esixidos no artigo 113.1 c) do Regulamento de Organización, Funcionamento e Réxime Xurídico das Entidades Locais aprobado por R.D.2568/1986, de 28 de novembro, a Presidencia declara aberta esta e pásase ao tratamento dos asuntos comprendidos na Orde do día:

1.- EXPEDIENTE Nº 3033/2022. DACIÓN DE CONTA DO CONVENIO DE AUGAS CO MUNICIPIO DE TRABADA.

Por Secretaría dase conta do ditame da Comisión Informativa de Asuntos Xerais, de data 11 de xullo ppdo.que se transcribe:

“Ditame:Dase conta do convenio entre o Concello de Trabada e o Concello de Ribadeo que obra no expediente para subministro de auga en diferentes parroquias do Concello de Trabada, aprobado polo Pleno municipal de Trabada en sesión extraordinaria do 8 de xuño ppdo.

Por Secretaría se explica que se trata dun elemento administrativo que vai formar parte do Prego de condicións económico-administrativas da licitación da concesión de augas que se está preparando por parte deste Concello de Ribadeo.

A Comisión queda enterada.”

A Corporación acorda darse por enterada do convenio de referencia.

2.-EXPEDIENTE N.º 3062/2022 RELATIVO A GASTOS EN INVERSIÓN FINANCIADOS CON PRÉSTAMO 2021-2022.

Por Secretaría dase conta do ditame da Comisión Informativa de Asuntos Xerais, de data 11 de xullo ppdo.que se transcribe:

“Ditame / Dase conta da Proposta da Alcaldía-Presidencia que se transcribe:

“PROPOSTA DE ALCALDÍA

VISTO que con data 22 de febreiro de 2021 publicouse no BOP de Lugo o anuncio da aprobación definitiva do Orzamento Xeral do Concello de Ribadeo correspondente ao exercicio económico 2021.

VISTO que en devandito Orzamento recóllese conforme ao previsto no artigo 18 do Real Decreto 500/1990, de 20 de abril, e 168 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, informe económico-financeiro no que se expoñen as bases utilizadas para a operación de crédito prevista co seu importe, o detalle das características e condicións financeiras de todo orde con que se prevé concertar, e unha especial referencia á carga financeira que pesa sobre a Entidade antes e despois da súa formalización.

Por tanto, no informe económico-financeiro, así como no Anexo de inversións que forma parte do expediente do Orzamento Xeral 2021, contéplase unha apelación ó crédito por importe de 610.000,00 euros, con destino a diversas aplicacións orzamentrias.

Debido a necesidade de modificación da finalidade dos gastos financiados con préstamo, propónse a modificación das cantidades pendentes de utilización da operación de endebedamento de 2021, da seguinte forma:



APLICACIÓN DENOMINACIÓN

IMPORTE



1532/61900		
1532/61900	LIQUIDACIÓN PAVIMENTACIÓN GRUPO SAN MIGUEL	1.162,09
1532/61900	LIQUIDACION PAVIMENTACIÓN A FAXARDA	2.453,02
1532/61900		2.364,87
161/61900	AMPLIACIÓN DE REDES ABASTECIMIENTO	
	Obras no abastecemento de auga potable:	
	• Reposición de colector de pluviais en A Faxarda. Execución de cruce de carreiteira para conexión á rede de abastecemento e saneamento.	
	• Acometida fonte de Calvo Sotelo	
	• Substitución tubaria de abastecemento na Ctra. do Faro.	
161/61900	• Conexión en Xusto Barreiro	7.349,70
161/61900		2.650,30
165/62300	MELLORA EFICIENCIA ENERXETICA	2.754,89
171/61900		
171/61900	REPARACIÓN PARQUE SAN FRANCISCO	3.902,25
171/61900		9.388,46
231/62200	CONSTRUCCIÓN DE LOCAL PARA ALMACEN DE ALIMENTOS	5.000,00
334/62200	CONSTRUCCIÓN DE LOCAL SOCIOCULTURAL EN CEDOFEITA	11.811,06
	COFINANCIAMENTO ARRANXO ESCOLA OVE	3.221,38
342/61900		
342/61900		465,40
4312/62200	OBRAS NA PRAZA DE ABASTOS	10.000,00
454/61900		
454/61900	ENSANCHE E REFORZO DO CAMIÑO DE REMOURELLE AO LIMITE DO CONCELLO. AGADER 2022-2023	36.490,99
454/61900	CANALIZACIÓN ESTRADA DO FARO	3.883,41
454/61900		9.270,62
		112.168,44

VISTO que con data 2 de febreiro de 2022 publicouse no BOP de Lugo o anuncio da aprobación definitiva do Orzamento Xeral do Concello de Ribadeo correspondente ao exercicio económico 2022.

VISTO que en devandito Orzamento recóllese conforme ao previsto no artigo 18 do Real Decreto 500/1990, de 20 de abril, e 168 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, informe económico-financieiro no que se expoñen as bases utilizadas para a operación de crédito prevista co seu importe, o detalle das características e condicións financeiras de todo orde con que se prevé concertar, e unha especial referencia á carga financeira que pesa sobre a Entidade antes e despois da súa formalización.



Por tanto, no informe económico-financiero, así como no Anexo de inversións que forma parte do expediente do Orzamento Xeral 2022, contéplase unha apelación ó crédito por importe de 790.000,00 euros, con destino a diversas aplicacións orzamentarias.

Debido a necesidade de establecer a finalidade dos gastos financiados con préstamo, propónse a utilización da operación de endebedamento de 2022, da seguinte forma:

PARTIDA	PROXECTO	IMPORTE
151.60000	ADQUISICIÓN DE INMOBLES URBANOS E APARCAMENTOS	15.000,00 €
1532.61900	ACTUALIZACIÓN A PEGA-RÍO DE AMALLÓ	98.510,00 €
	ACTUALIZACIÓN CARRIL BICI	50.000,00 €
	ACCESO APARCAMENTO VILAVELLA	60.000,00 €
	MELLORA VÍAS URBANAS	56.490,00 €
160.60900	SANEAMENTO	25.000,00 €
165.62300	MELLORAS DE EFICIENCIA ENERXÉTICA EN ALUMEADO	25.000,00 €
334.61900	OBRAS DE REPOSICIÓN INMOBLES DE CULTURA: Biblioteca	15.000,00 €
	OBRAS DE REPOSICIÓN INMOBLES DE CULTURA: Forte S. Damián	25.000,00 €
342.61900	ACONDICIONAMENTO DO CAMPO DO OUTEIRO NA DEVESA	23.310,67 €
	REFORMA DO HANGAR DE PIRAGUAS NA PRAIA DOS BLOQUES	7.175,50 €
	CONSTRUCCIÓN PISTAS PETANCA	14.515,91 €
	OUTRAS MELLORAS INFRAESTRUCTURAS DEPORTIVAS	9.997,92 €
4312.62200	OBRAS PRAZA DE ABASTOS	15.000,00 €
454.61900	COFINANCIAMENTO PLAN ÚNICO 2022	300.000,00 €
924.62200	PLAN DE REPOSICIÓN ESCOLAS RURAIS	50.000,00 €
TOTAL:		790.000,00 €

Por Intervención informase desfavorablemente ao non estar incluídos na operación de crédito gastos específicos ou determinados.

A Comisión informativa por unanimidade dos seus membros acorda salvar o reparo da Intervención municipal e ditaminar favorablemente a Proposta de referencia nos termos indicados para a súa elevación ao Pleno municipal.”

A Corporación, por unanimidade dos membros presentes, acorda prestar aprobación ao ditame da Comisión nos seus propios termos.

3.- EXPEDIENTE Nº 3023/2022 DE MODIFICACIÓN DE ORDENANZAS FISCAIS E ADHESIÓN AO



PROGRAMA DOING BUSINNES.

Dase conta do ditame da Comisión Informativa que se transcribe:

"DITAME:Dase conta das propostas da Alcaldía que se transcriben:

PROPOSTA DE ALCALDÍA

Visto o Protocolo de actuación entre a Xunta de Galicia e a FEGAMP para fomentar a implantación de empresas mediante a iniciativa "Concellos doing business Galicia", asinado en data 10/10/2017.

Vista a necesidade e conveniencia de participar na iniciativa "Concellos doing business Galicia" para fomentar a implantación e fixación de empresas en Ribadeo e beneficiarse de distintas medidas da Xunta de Galicia: discriminación positiva en subvencións para investimentos e gastos nos eidos industrial, do emprego e do emprendemento; centralizar información de solo dispoñible no Observatorio de Solo Empresarial da Xunta de Galicia; e reforzo do posicionamento global do Concello con respecto aos concellos non integrados nesta marca territorial.

De conformidade co disposto na Lei 39/2015, do 1 de outubro, do procedemento administrativo común, e no Real decreto 2568/1986, do 28 de novembro, que aproba o regulamento de organización e funcionamento das corporacións locais.

Ao abeiro da atribución que lle concede á Alcaldía o artigo 21.1. da Lei 7/85, do 2 de abril, de bases de réxime local, e o réxime de atribucións plenarios do artigo 22.2 da Lei 7/85, do 2 de abril, de bases de réxime local.

Por todo o exposto, propónse ao Pleno da Corporación, previo ditame da Comisión informativa de Facenda e Asuntos Xerais, a adopción dos seguintes acordos:

PRIMEIRO.- Aprobar a adhesión do Concello de Ribadeo ao Protocolo de actuación entre a Xunta de Galicia e a FEGAMP de data 10/10/2017 para fomentar a implantación de empresas en Ribadeo mediante a iniciativa "Concellos Doing Business Galicia".

SEGUNDO.- Asumir os seguintes compromisos da iniciativa "Concellos doing business Galicia" previstos na cláusula segunda do citado Protocolo, previa tramitación dos correspondentes expedientes en cada caso:

a) Medidas fiscais:

-Aprobar mediante acordo plenario a modificación da ordenanza fiscal reguladora do IBI para establecer una bonificación potestativa de ata un 95% da cota íntegra do imposto a favor de inmobles urbanos nos que se desenvolvan actividades económicas que sexan declaradas de especial interese ou utilidade municipal por concorrer circunstancias de fomento do emprego (art. 74.2 do TRLFL) nos supostos de novas actividades ou de ampliación destas que implique creación de emprego.

-Aprobar mediante acordo plenario a modificación da ordenanza fiscal reguladora do IAE para establecer una bonificación potestativa de ata un 95% da cota para os suxeitos pasivos que tributen por cota municipal e que desenvolvan actividades económicas que sexan declaradas de especial interese ou utilidade municipal por concorrer circunstancias de fomento do emprego (art. 88.2 e) do TRLFL) nos supostos de novas actividades ou de ampliación destas que implique creación de emprego.

-Aprobar mediante acordo plenario a modificación da ordenanza fiscal reguladora do ICIO para establecer una bonificación potestativa de ata un 95% para as construcións, instalacións ou obras que sexan declaradas de especial interese ou utilidade municipal por concorrer circunstancias de fomento do emprego (art. 103.2 a) do TRLFL) nos supostos de novas actividades ou de ampliación



destas que implique creación de emprego.

-En relación coa bonificación postestativa de ata o 95% no IBI, IAE ou ICIO nos supostos de de especial interese ou utilidade municipal por concorrer circunstancias de fomento do emprego, estableceranse os seguintes tramos:

POSTOS DE TRABALLO DE NOVA CREACIÓN	% BONIFICACIÓN
De 1 a 5	50%
De 6 a 10	75%
De 11 a 15	80%
De 16 a 20	85%
Máis de 20	95%

-As medidas de carácter fiscal comprometidas deberán manterse cando menos 3 exercicios orzamentarios.

b) Medidas urbanísticas:

-Compromiso resolver as solicitudes de licenza de obra maior nas que o petionario sexa unha empresa ou un autónomo para a construción dunha edificación destinada á primeira implantación dunha actividade no prazo máximo de 30 días naturais dende que o Concello dispón da documentación completa e todos os informes sectoriais preceptivos.

TERCEIRO.- Dar traslado á tesourería municipal e ao departamento de urbanismo do contido do protocolo, en especial o compromiso adquirido na cláusula segunda punto 6.

CUARTO.- Unha vez adoptados os acordos necesarios para dar cumprimento aos compromisos fiscais e urbanísticos asumidos comunicárase á Xunta de Galicia e á FEGAMP para adquirir a condición de “Concello Doing Business Galicia”.

APROBACIÓN PROVISIONAL DA MODIFICACIÓN DAS ORDENANZAS FISCAIS I1 REGULADORA DO IMPOSTO SOBRE BENS INMOBLES, I2 REGULADORA DO IMPOSTO SOBRE ACTIVIDADES ECONÓMICAS E I4 REGULADORA DO IMPOSTO SOBRE CONSTRUCIÓN, INSTALACIÓN E OBRAS.-

1. ANTECEDENTES:

Protocolo Xeral de Actuación entre a Xunta de Galicia e a Federación Galega de Municipios e Provincias para fomentar a implantación e fixación de empresas en Galicia mediante a creación da iniciativa “Concellos doing business Galicia”, subscrito o pasado 10 de outubro do 2017, e a addenda ao mesmo subscrito con data 13 de decembro do 2017.

Visto que o referido protocolo esixe a adopción de acordos de modificación das Ordenanzas Fiscais do IBI, IAE e ICIO para se adaptar ás esixencias contidas no mesmo.

O Concello de Ribadeo, no artigo 7 da ordenanza fiscal I4 reguladora do imposto sobre construcións, instalacións e obras, xa establece unha bonificación a favor das construcións, instalacións ou obras correspondentes ás iniciativas locais de emprego, declaradas como tales por esta Entidade, por tanto, comenzamos por este imposto:

LEXISLACIÓN APLICABLE:



- Lei 7/1985 de 7 de abril, reguladora de bases do réxime local, modificada pola Lei 57/2003 de 16 de decembro de medidas de modernización do Goberno Local (LRBRL).
- Lei 58/2003, de 17 de decembro, xeral tributaria
- Real Decreto Legislativo 2/2004, de 5 de marzo polo que se aproba o texto refundido da Lei reguladora das facendas locais (TRLRFL).
- Lei 8/1989, de 13 de abril, de taxas e prezos públicos.
- Lei 5/1997, do 22 de xullo, da administración local de Galicia (LALG).
- Real decreto legislativo 781/1986, do 18 de abril, que aproba o texto refundido das disposicións legais vixentes en materia de réxime local (TRRL).

PROPOSTA

Considerando o disposto nos artigos 15 e seguintes do RDLegislativo 2/2004, de 5 de marzo, polo que aproba o Texto refundido da Lei reguladora das facendas locais, e de conformidade cos artigos 22 e 49 da Lei 7/1985, de 2 de abril, reguladora das bases do réxime local, modificada pola Lei 57/2003, de 16 de decembro de medidas de modernización do goberno local e analizada e estruturada a información incluída na documentación incorporada ao expediente que se someterá ao Pleno municipal deste mes, na que se acorda aprobar a adhesión deste Concello de Ribadeo ao Protocolo de actuación entre a Xunta de Galicia e a Fegamp de data 10/10/2017 e xustifica a necesidade de modificar algúns dos artigos das ordenanzas fiscais I1 reguladora do imposto sobre bens inmobles, I2 reguladora do imposto sobre actividades económicas e I4 reguladora do imposto sobre construcións, instalacións e obras.

Esta Concellería de economía, desenvolvemento local e turismo previos os informes de Secretaría, Intervención e Tesourería, propón que se dictamine pola Comisión Informativa de Facenda e Asuntos Xerais do Pleno a seguinte **Proposta**:

PRIMEIRO: Aprobar inicialmente a modificación da Ordenanza Fiscal I4 , reguladora do Imposto sobre Construcións, Instalacións e Obras.

Modificar o **artigo 7. "Bonificacións, e deducións"** coa seguinte nova redacción:

Artigo 7. *Bonificaciónse deduccións:*

1. Establécense unhas bonificacións do 25, 40 ou 55 % da cota do Imposto de Construcións, Instalacións e Obras a favor das construcións, instalacións ou obras que se desenvolvan no casco histórico de Ribadeo e Rinlo, no ámbito das Areas de Rehabilitación Integral do casco histórico da Vila de Ribadeo e Rinlo, delimitado en cada momento polos convenios nesta materia vixentes asinados coa administración estatal e/ou autonómica, toda vez que se considera que esas actuacións, unha vez concedida subvención polo Concello, revisten o carácter de especial interese ou utilidade municipal por concorrer circunstancias sociais, culturais, histórico-artísticas ou de fomento do emprego que xustifican, conxunta ou illadamente, tal declaración, que será acordada a petición do suxeito pasivo polo Pleno da Corporación por maioría simple dos membros desta.

2. **Bonificación por fomento do emprego:**

2.1.- Dacordo co previsto no artigo 103.2. a) do TRLRHL, establécense unha bonificación a favor das construcións, instalacións ou obras que sexan declaradas de especial interese ou utilidade municipal por concorrer circunstancias de fomento de emprego que xustifiquen tal declaración a xuízo do Pleno da Corporación por voto da maioría simple dos seus membros, previa solicitude do interesado.

2.2.- A bonificación por fomento de emprego será de carácter rogado, debendo presentar o suxeito pasivo a correspondente solicitude, e rexistrala segundo o disposto no artigo 16 da Lei 39/2015. Esta solicitude presentaráse no momento de achegar a documentación necesaria para a obtención da correspondente licenza, e en calquer caso, antes da concesión da mencionada licenza.

Concorren circunstancias de fomento de emprego cando a realización das construcións, instalacións ou obras dan lugar a implantación dunha nova actividade económica ou a nova construción ou



ampliación das instalacións, e impliquen creación de emprego. O resultado da construción, instalación ou obra constituirá o centro de traballo no que se adoptan as medidas de fomento do emprego. O Pleno declarará, se procede, o especial interese ou utilidade municipal en base á memoria presentada polo solicitante e ao informe do departamento municipal con competencias en materia de Emprego, e concederá o beneficio fiscal, fixando a porcentaxe a aplicar e condicionado á comprobación posterior do cumprimento dos requisitos esixidos.

2.3. O solicitante, que en todo caso debe ser o dono da obra ou o titular da actividade económica, debe presentar xunto coa solicitude:

- Xustificante de estar ao corrente no pago coa facenda estatal, autonómica, e nas cotas correspondentes á Seguridade Social.

- Memoria xustificativa sobre a actividade económica de nova creación ou de ampliación de instalacións, na que conste número de novos postos de traballo creados, categoría profesional, modalidade e duración da contratación.

- Declaración responsable do cumprimento dos 3 requisitos que se describen a continuación:

1º) Creación de novos postos de traballo por parte do promotor ou titular do establecemento mercantil das obras, que deben ser cubertos por persoas que non tivesen unha relación laboral dependente co promotor ou titulado do establecemento mercantil nos últimos 12 meses anteriores á data de contratación, nin con calquer outra empresa pertencente ao mesmo grupo empresarial, segundo definición dada polo artigo 42 do Código de Comercio. As persoas contratadas poderán proceder do alumnado participante na modalidade de formación profesional dual que nos últimos doce meses anteriores á data de contratación tivese algunha vinculación ca empresa, ben como bolseiro ou mediante un contrato de formación e aprendizaxe.

2º) As contratacións deberán ser indefinidas e a xornada completa.

3º) Que, ao menos 1/3 dos novos contratos sexa con traballadores en situación de desemprego inscritos no SPEG e empadroados en Ribadeo. Cando resulte un número de contratos non enteiro, redondearase ao enteiro superior.

Acreditado o cumprimento destes requisitos, a porcentaxe de bonificación determinarase en función do número de novos postos de traballo creados, dacordo co seguinte cadro:

POSTOS DE TRABALLO DE NOVA CREACIÓN	% BONIFICACIÓN
De 1 a 5	50%
De 6 a 10	75%
De 11 a 15	80%
De 16 a 20	85%
Máis de 20	95%

2.4.- Aos efectos deste beneficio fiscal:

a.- Considéranse actividades económicas obxecto desta bonificación, as actividades industriais ou comerciais previstas nas correspondentes Seccións do IAE.

b.- Enténdese que se implanta unha nova actividade económica cando se procede a ordenación por conta propia de medios de produción e/ou recursos humanos, sendo a súa finalidade a de intervir na produción ou distribución de bens ou servizos. Non se considera nova actividade económica cando se exercera anteriormente baixo outra titularidade. A actividade exerceuse anteriormente baixo outra titularidade, entre outros, nos supostos de fusión, escisión ou aportación de ramas de actividade, así coma nos casos de constitución de sociedades para o desenvolvemento de actividades exercidas a título individual por un ou varios socios que ostenten o control das mesmas.

Tampouco se considerarán supostos de nova actividade económica:

1. Cando a alta corresponda a unha transformación da forma xurídica da titularidade da actividade. .



2. Cando a alta responda a un cambio de epígrafe por imperativo legal ou para subsanar unha errónea cualificación anterior.

3. Cando a alta se refira a un novo local dunha actividade que previamente se desenvolvía polo mesmo titular.

4. Cando a alta estivera precedida dunha baixa de actividade e suxeito pasivo, nun período de 5 anos.

c.- Enténdese que hai unha nova construción ou ampliación de instalacións cando conste a autorización municipal que proceda para a súa realización.

d.- Enténdese que existe creación de emprego cando se constate un incremento de persoal como consecuencia do inicio da actividade ou da ampliación das instalacións. En sentido contrario, non existe creación de emprego cando non hai incremento neto de persoal no conxunto dos centros de traballo radicados no municipio de Ribadeo.

2.5.- Comprobación posterior do cumprimento dos requisitos: O Concello deberá comprobar, no exercicio seguinte ao inicio da actividade e, en todo caso, antes do período de prescrición do dereito a liquidar, o cumprimento efectivo das condicións de goce do beneficio e, de ser o caso, regularizará a situación tributaria.

Para a correcta comprobación do cumprimento dos requisitos o interesado deberá achegar a seguinte documentación

- Certificados de estar ao corrente coa Facenda estatal, autonómica e coa Seguridade Social.

- Identificación da comunicación previa de inicio de actividade ou solicitude do título habilitante para o exercicio da mesma no Concello de Ribadeo.

- Informe de vida laboral das contas de cotización dende o inicio ou ampliación da actividade.

- Relación dos traballadores contratados con expresión do seu nome e apelidos, NIF, nº de afiliación á seguridade social, data de inicio, modalidade e duración do seu contrato.

- Relacións nominais de traballadores –RNT- e recibos de liquidación das cotizacións –RLC-

- Copia dos contratos de traballo dos empregos contratados.

- No seu caso, TA2 de baixa dos traballadores indefinidos contratados que causaron baixa por dimisión, morte, xubilación, incapacidade permanente total, absoluta ou gran invalidez, ou por resolución durante o período de proba.

- Certificación de períodos de inscrición da oficina do Servizo Galego de Colocación no que estivera inscrita

- Informe de vida laboral relativo os doce meses anteriores á data da contratación

2.6. En todo caso, a bonificación concederáse baixo condición resolutoria, de maneira que de non presentarse a xustificación de cumprimento dos requisitos, quedará sen efecto a bonificación que se conceda, procedendo á regularización tributaria.

2.7.-As construcións, instalacións ou obras que se inicien sen terse concedido a licenza municipal – sempre e cando sexa preceptiva-, ou presentado a declaración responsable ou comunicación previa, no seu caso, non poderán acollerse aos beneficios fiscais previstos neste artigo.

3. Establécense unhas bonificacións do 50% ou 90% da cota do Imposto de Construcións, Instalacións e Obras a favor das construcións, instalacións ou obras que teñan lugar nos inmobles que se atopen dentro da catalogación de protección integral no PEPRICH/PXOM vixente en cada momento ou instrumento que o substitúa, en atención á súa complexidade para a rehabilitación polas grandes limitacións que recolle o planeamento, toda vez que se considera que esas actuacións, revisten o carácter de especial interese ou utilidade municipal por concorrer circunstancias sociais, culturais, histórico-artísticas ou de fomento do emprego que xustifican, conxunta ou illadamente, tal declaración, que será acordada a petición do suxeito pasivo polo Pleno da Corporación por maioría simple dos membros desta.

A bonificación ordinaria será do 50%, non obstante cando se acredite polo solicitante que a finalidade da actuación redunda na creación de emprego, atendendo ao destino total ou parcial do inmovible, esta ascenderá ao 90%. A creación de emprego deberá ter lugar nun prazo máximo de 2 anos dende a finalización das construcións, instalacións ou obras, debendo manterse por un período similar, doutro xeito



procederá o reintegro do importe bonificado en exceso xunto cos xuros correspondentes.

4. Deducións. Establécese, asemade, como dedución da cota íntegra ou bonificada do Imposto, o importe satisfeito ou que deba satisfacer o suxeito pasivo en concepto de Taxa polo outorgamento da Licenza Urbanística correspondente á construción, instalación ou obra de que se trate e na que concorrera a declaración de especial interese ou utilidade municipal recollida nos apartados 1 a 3 do presente artigo, pola mesma porcentaxe que se autorice de bonificación en cada caso, ata o límite da cota restante do imposto unha vez aplicadas as bonificacións que procedan.

5. A bonificación e a dedución establecidas nos anteriores parágrafos serán de aplicación, de ser procedentes, tanto ás liquidacións ou autoliquidacións provisionais coma definitivas do Imposto.

6. O procedemento de concesión da bonificación e no seu caso a dedución recollida nos parágrafos anteriores, iniciarase por solicitude do interesado á que deberá acompañar xustificación emitida pola Oficina de Rehabilitación, no que atinxe ás actuacións no casco histórico de Ribadeo ou Rinlo, acreditativa de que a actuación é obxecto de axuda.

Para as iniciativas locais de emprego, deberá acreditarse mediante informe do servizo de Emprego Local a concorrencia nas construcións, instalacións ou obras das circunstancias de especial interese ou utilidade municipal derivadas das circunstancias sociais, culturais, histórico-artísticas ou do fomento do emprego que se aleguen, para a ILE que se pretenda apoiar.

Para os inmobles catalogados no PEPRICH/PXOM ou documento análogo con protección integral, deberá achegarse xunto coa solicitude do interesado, informe dos servizos técnicos do concello no que se acredite o cumprimento da condición citada, e se se opta pola bonificación do 90%, xustificación documental suficiente de que a finalidade da construción, instalación ou obra redundará na creación de emprego. Neste caso, polos servizos técnicos municipais realizarase un seguimento do proceso para garantir que se cumpren os prazos sinalados no apartado terceiro.

A solicitude do suxeito pasivo, coa incorporación no seu caso dos informes procedentes, pasará ao Pleno da Corporación que por maioría simple dos seus membros acordará a concesión ou denegación da bonificación solicitada, e no seu caso da dedución sobre a cota bonificada, ponderando a totalidade das circunstancias concorrentes na petición efectuada e que esta reúna illada ou conxuntamente as circunstancias a que se fixo referencia, a cal oportunidade e fundamento serán de apreciación polo Pleno Corporativo.

O acordo municipal declarando o especial interese ou utilidade social da construción, instalación ou obra implicará a expedición dunha nova liquidación polos servizos municipais coa aplicación da bonificación do 25, 40, 50, 55 ou 90% á liquidación de que se trate, así coma no seu caso a dedución da cota íntegra do imposto do importe satisfeito ou que se deba satisfacer en concepto de taxa por licenza urbanística ata o límite da cota restante do imposto unha vez aplicadas as bonificacións que procedan.

7. As anteriores bonificacións non se aplicarán simultaneamente.

8. Establecese unha bonificación do 10% a favor das construcións, instalacións ou obras nas que se incorporen sistemas para o aproveitamento térmico ou eléctrico da enerxía solar para autoconsumo. A aplicación desta bonificación estará condicionada a que as instalacións para produción de calor inclúan colectores que dispoñían da correspondente homologación da Administración competente. Está bonificación ten carácter rogado, previa acreditación do cumprimento das condicións establecidas para a súa aplicación”.

DISPOSICIÓN FINAL

A presente modificación entrará en vigor ao día seguinte da súa publicación no BOP, permanecendo vixente ata a súa modificación ou derogación expresa.

SEGUNDO: Aprobar a modificación da Ordenanza Fiscal I1, reguladora do Imposto sobre Bens Inmóbles.

Modificar o **artigo 3. “Bonificacións”** coa seguinte nova redacción:

1. Gozarán dunha bonificación do 50 por 100 da cota íntegra do imposto, sempre que así se solicite polos interesados antes do inicio das obras, os inmobles que constitúan o obxecto da actividade das empresas de urbanización, construción e promoción inmobiliaria tanto de obra nova como de



rehabilitación equiparable a esta, e non figure entre os bens do seu inmovilizado.

O prazo de aplicación desta bonificación comprenderá desde o período impositivo seguinte a aquel en que se inicien as obras ata o posterior á terminación destas, sempre que durante ese tempo se realicen obras de urbanización ou construción efectiva, e sen que , en ningún caso, poida exceder de tres períodos impositivos.

2. As vivendas de protección oficial e as que resulten equiparables a estas conforme a normativa da Comunidade Autónoma gozarán dunha bonificación do 50 por 100 da cota íntegra do imposto, durante os tres períodos impositivos seguintes ó do outorgamento da cualificación definitiva.

3. Gozarán dunha bonificación do 95 por 100 da cota íntegra os bens de natureza rústica titularidade de Cooperativas Agrarias e de Explotación Comunitaria da terra, nos termos regulados no artigo 33.4 da Lei 20/1990, de 19 de decembro, de Cooperativas.

4. Gozarán de bonificación os suxeitos pasivos que ostenten a condición de titulares de familia numerosa na cota íntegra do inmovible de uso residencial que constituía a súa residencia habitual, e na que estea empadroadado, coas seguintes características:

Categoría de familia numerosa (Lei 40/2003, de 18 de novembro)	% bonificación se valor catastral menor ou igual que 25.000 €	% bonificación se valor catastral entre 25.001 € a 40.000 €	% bonificación se valor catastral entre 40.001 a 55.000 €.
Xeral	35	20	10
Especial	50	35	25

Para a aplicación desta bonificación será requisito imprescindible a súa solicitude polo interesado, que deberá acreditar:

- O empadramento na vivenda de solicitude.
- A condición e categoría de familia numerosa, por medio do título oficial.
- Non superar a unidade familiar uns ingresos brutos de 55.000,00 €, o que se acreditará mediante a presentación das declaracións do IRPF ou certificacións de ingresos do último exercicio de tódolos integrantes desta que superen os 18 anos.

Non se poderá aplica-la bonificación a máis dunha vivenda por titular.

5. Para gozar da bonificación do número 1º deste artigo os interesados deberán solicitar a súa concesión acreditando os seguintes extremos:

- A data de inicio e fin das obras de urbanización ou construción de que se trate, mediante certificado do Técnico-Director destas, visado polo Colexio Profesional.
- Que a empresa se dedica á actividade de urbanización, construción ou promoción inmobiliaria, mediante a presentación de copia autenticada dos estatutos da sociedade.
- Que o inmovible obxecto de bonificación non forma parte do inmovilizado, mediante copia autenticada do último balance incorporado na declaración polo Imposto sobre Sociedades, no seu caso; ou certificación do titular ou Administrador da Sociedade.

6. De acordo co disposto no artigo 74.1 do Real Decreto Legislativo 2/2004 que aproba o Texto da Lei Reguladora das Facendas Locais, establécese unha bonificación do 90 por cento da cota íntegra do Imposto a favor dos bens inmovibles urbanos situados nos núcleos rurais do Concello de Ribadeo recollidos no PXOM, con excepción dos relativos ao propio Ribadeo e Rinlo, que estean dedicados directamente a actividades primarias de carácter agrícola, gandeiro ou forestal, sempre coa excepción da vivenda habitual.

A bonificación outorgarase previa solicitude do interesado na que se fagan constar os seguintes datos:

- Nome e apelidos do titular do inmovible.
- Indicación da parcela catastral.



- c. Superficie dedicada a todos ou a algúns dos usos anteriores.
- d. Xustificante de alta no IAE ou rexistro similar que acredite o desenvolvemento polo solicitante de actividades do sector primario que dean dereito á bonificación.

Á solicitude acompañarase fotocopia do último recibo de IBI.

A resolución administrativa do expediente adoptarase previa inspección e informe dos servizos municipais, no que se faga constar a superficie do inmovible realmente dedicado aos usos indicados, e o cumprimento do resto de requisitos da bonificación.

7. Bonificación por fomento do emprego.

7.1.- Segundo o previsto no art. 74.2. quáter do Real decreto legislativo 2/2004, do 5 de marzo, polo que se aprobou o Texto refundido da Lei reguladora das facendas locais, este Concello establece a bonificación de ata o 95 % sobre a cota tributaria do imposto a favor dos inmoibles nos que se desenvolvan actividades económicas de especial interese municipal, por concorrer circunstancias que poñan de manifesto a creación de emprego, naqueles supostos nos que se implante unha nova actividade económica ou empresarial no inmovible, ou que supoñan unha ampliación das súas instalacións preexistentes sempre e cando tal ampliación implique a creación de emprego.

7.2.- Dado que a presente bonificación é análoga á que se prevé no art. 7 da Ordenanza Fiscal I4 deste Concello, reguladora do Imposto sobre construcións, instalacións e obras, estarase, a efectos da concesión da mesma, aos mesmos requisitos, referidos á acreditación da creación de emprego, previstos na mesma, e, xa que logo, á porcentaxe de bonificación que se accede segundo a puntuación total que, segundo o número de postos de traballo creados, se outorgue á actividade económica ou empresarial aos efectos da bonificación no ICIO, e ao seu medio de solicitude e xustificación.

7.3.- A solicitude da bonificación no ICIO suporá que se teña por solicitada a bonificación no Imposto sobre Bens Inmoibles, polo que se estará aos requisitos de solicitude previstos no ICIO. A tramitación será conxunta, polo que non procederá solicitar a bonificación no IBI se non se ten solicitado a bonificación por fomento do emprego local prevista no ICIO.

7.4.- A bonificación no IBI surtirá efectos a partires do exercicio seguinte ao do remate das obras ou instalacións obxecto de bonificación no ICIO, e perdurará durante os TRES primeiros anos de exercicio da actividade.

7.5.- Corresponderá ao Pleno da Corporación a declaración de especial interese ou utilidade municipal por concurrir circunstancias de fomento de emprego, previa solicitude do suxeito pasivo, por voto favorable da maioría simple dos seus membros.

7.6.- Os novos postos de traballo creados que deran dereito á concesión do presente beneficio fiscal deberanse manter durante os tres períodos impositivos de duración da bonificación. De se mermar a plantilla durante o devandito período, perderase o dereito a seguir disfrutando da bonificación. A tal efecto, o suxeito pasivo deberá acreditar, a requerimento desta entidade local, os empregados existentes ao inicio da actividade e durante todo o período do beneficio fiscal. De se producir reducións de plantilla, o suxeito pasivo estará obrigado a poñelo en coñecemento desta entidade no prazo de UN MES desde que se tivese producido a redución.

7.7.- A perda do dereito á bonificación surtirá efectos no exercicio fiscal seguinte á súa produción.

8. As bonificacións reguladas neste artigo son rogadas, polo que deberán ser solicitadas polo suxeito pasivo do Imposto que, en todo caso, non poderá alegar analoxía para estende-lo seu alcance mais aló dos termos estritos en que figuran recoñecidas.

9. O efecto da concesión de bonificacións producirase a partir do exercicio seguinte á data de solicitude e non terá carácter retroactivo”.

DISPOSICIÓN FINAL

A presente modificación entrará en vigor ao día seguinte da súa publicación no BOP, permanecendo vixente ata a súa modificación ou derogación expresa.



TERCEIRO: Aprobar a modificación da Ordenanza Fiscal I2, reguladora do Imposto sobre Actividades Económicas.

Modificar o **artigo 4. "Bonificacións"**, coa seguinte nova redacción:

1. Gozarán duna bonificación do 50% da cota, os que inicien o exercicio de calquera actividade empresarial e tributen por cota municipal, durante os cinco anos de actividade seguintes á conclusión do segundo período impositivo de desenrolo da mesma.

A aplicación da bonificación requirirá que a actividade económica non se exercera anteriormente baixo outra titularidade. Entenderase que se exerceu a actividade anteriormente baixo outra titularidade, entre outras, nos supostos de fusión, escisión ou aportación de ramas de actividade.

O período de aplicación da bonificación caducará ós cinco anos dende a finalización da exención establecida no párrafo b) do apartado 1 do artigo 83 da Lei.

2. Bonificación por fomento do emprego.

2.1.- Segundo o previsto no art. 88.2.e) do Real decreto legislativo 2/2004, do 5 de marzo, polo que se aprobou o Texto refundido da Lei reguladora das facendas locais, este Concello establece a bonificación de ata o 95 % sobre da cota tributaria do imposto a favor dos suxeitos pasivos que tributen por cota municipal e desenvolvan actividades económicas de especial interese municipal, por concorrer circunstancias que poñan de manifesto a creación de emprego, naqueles supostos nos que se implante unha nova actividade económica ou empresarial, ou que supoñan unha ampliación das súas instalacións preexistentes sempre e cando tal ampliación implique a creación de emprego.

2.2.- Dado que a presente bonificación é análoga á prevista no art. 7 da Ordenanza Fiscal I4 deste Concello, reguladora do Imposto sobre construcións, instalacións e obras, estarase, a efectos da concesión da mesma, aos mesmos requisitos, referidos á acreditación da creación de emprego, previstos na mesma, e, xa que logo, á porcentaxe de bonificación que se accede segundo a puntuación total que, segundo o número de postos de traballo creados, se outorgue á actividade económica ou empresarial aos efectos da bonificación no ICIO, e ao seu medio de solicitude e xustificación. A bonificación limitarase á cota municipal sobre do inmovible de nova construción ou ampliación, non se extendendo a outros establecementos que teñan cota tributaria separada polo imposto do suxeito pasivo dentro do termo municipal.

2.3.- A solicitude da bonificación no ICIO suporá que se teña por solicitada a bonificación no Imposto sobre Actividades Económicas, polo que se estará aos requisitos de solicitude previstos no ICIO. A tramitación será conxunta, polo que non procederá solicitar a bonificación no IAE se non se ten solicitado a bonificación por fomento do emprego local prevista no ICIO.

2.4.- A bonificación no IAE surtirá efectos a partires do exercicio seguinte ao do remate das obras ou instalacións obxecto de bonificación no ICIO, e perdurará durante os TRES primeiros exercicios de exercicio da actividade.

2.5.- Corresponderá ao Pleno da Corporación a declaración de especial interese ou utilidade municipal por concurrir circunstancias de fomento de emprego, previa solicitude do suxeito pasivo, por voto favorable da maioría simple dos seus membros.

2.6.- Os novos postos de traballo creados que deran dereito á concesión do presente beneficio fiscal deberanse manter durante os tres períodos impositivos de duración da bonificación. De se mermar a plantilla durante o devandito período, perderase o dereito a seguir disfrutando da bonificación. A tal efecto, o suxeito pasivo deberá acreditar, a requerimento desta entidade local, os empregados existentes ao inicio da actividade e durante todo o período do beneficio fiscal. De se producir reducións de plantilla, o suxeito pasivo estará obrigado a poñelo en coñecemento desta entidade no prazo de UN MES desde que se tivese producido a redución.

2.7.- A perda do dereito á bonificación surtirá efectos no exercicio fiscal seguinte á súa produción.

3. Gozarán dunha bonificación do 25% da cota os suxeitos pasivos que tributen por cota municipal e que reúnan algunha das seguintes condicións:

a) utilicen ou produzan enerxía a partir de instalacións para o aproveitamento de enerxías renovables ou sistemas de cogeneración. A estes efectos entenderanse instalacións para o aproveitamento das enerxías renovables as contempladas e definidas como tales no Plan de Fomento das Enerxías Renovables. Consideranse sistemas de cogeneración os equipos e instalación que permiten a produción conxunta de



electricidade e enerxía térmica útil.

b) Realicen sus actividades industriais desde o inicio da súa actividade ou por traslado posterior, en locais ou instalacións afastadas das zonas máis pobladadas do termo municipal.

c) Establezan un plan de transporte para os seus traballadores que teña por obxecto reduci-lo consumo da enerxía e as emisións causadas polo desprazamento ó lugar do posto de traballo e fomenta-lo emprego dos medios de transporte máis eficientes, como o transporte colectivo ou compartido.

4. As bonificacións anteriores terán carácter rogado. O efecto da concesión das bonificacións producirase a partir do exercicio seguinte á data de solicitude e non terá carácter retroactivo. As anteriores bonificacións non serán aplicables simultaneamente.

DISPOSICIÓN FINAL

A presente modificación entrará en vigor ao día seguinte da súa publicación no BOP, permanecendo vixente ata a súa modificación ou derogación expresa.

CUARTO: Expor ao público no Taboleiro de Anuncios deste Concello o presente acordo provisional, e a redacción dos artigos modificados das Ordenanzas, durante o prazo de trinta días, co fin de que os interesados poidan examinar o expediente e presentar as reclamacións que consideren oportunas. A devandita exposición ao público anunciarase por edicto no Boletín Oficial da Provincia, e comezará a contar o seu prazo a partir do día seguinte a aquel en que se produza a publicación.

Finalizado o período de exposición pública, o concello adoptará os acordos definitivos que procedan, resolvendo as reclamacións que se presentasen e aprobará a redacción definitiva da ordenanza. No caso de que non se presentasen reclamacións, entenderase definitivamente adoptado o acordo, ata entón provisional, sen necesidade de acordo plenario.

Os acordos definitivos a que se refire o parágrafo anterior, incluíndo os provisionais elevados automaticamente a tal categoría, e o texto íntegro da modificación, publicaranse no boletín oficial da provincia, entrando en vixencia de acordo co establecido nos artigos 70.2 e 65.2 da Lei 7/1985, de 2 de abril, Reguladora das Bases do Réxime Local.

QUINTO: Dar traslado do presente acordo á FEGAMP. “

A Comisión informativa por unanimidade dos seus membros acorda ditaminar favorablemente as propostas da Alcaldía nos termos expostos para a súa elevación ao Pleno municipal.

Promovida deliberación entre os membros do Pleno asistentes, por parte do representante do Grupo Popular sinálase que son propoastas xa feitas polo seu Grupo, que se vai tarde e que deberían ser mais ambiciosos pero que en todo caso van votar a favor.

A Corporación, por unanimidade dos membros presentes, acorda prestar aprobación ao ditame transcrito, nos seus propios termos.

4.-EXPEDIENTE Nº 2917/2022 PARA NOMEAMENTO DE REPRESENTANTES NA ASOCIACIÓN TERRAS DE MIRANDA.

Por Secretaría dase conta do ditame da Comisión Informativa que se transcribe:

“DITAME: Dase conta do nomeamento de representantes municipais deste Concello de Ribadeo na Asociación Terras Miranda que serán o **Alcalde-Presidente don Fernando Suárez Barcia, como titular e como suplente do mesmo a concelleira dona Mónica Freire Rancaño.**

A Comisión Informativa por unanimidade dos seus membros acorda ditaminar favorablemente para a súa elevación ao Pleno municipal.”



A Corporación, por unanimidade dos membros presentes, acorda prestar aprobación ao ditame transcrito, nos seus propios termos.

5.-EXPEDIENTE Nº 3037/2022 RELATIVO Á FIXACIÓN DE FESTIVOS LOCAIS PARA 2023.

Por Secretaría dase conta do ditame da Comisión Informativa:

“DITAME.- Dase conta da Proposta da Alcaldía que se transcribe:

PROPOSTA DA ALCALDIA

Co obxecto de proceder á fixación de **dous días festivos locais para o ano 2023 e o seu envío a Xefatura Territorial da Consellería de Emprego e Igualdade para a elaboración do calendario laboral correspondente da provincia de Lugo para 2023.**

Esta Alcaldía,

PROPÓN ao Pleno Municipal a adopción do seguinte acordo:

Fixar como **festivos locais para o ano 2023** as seguintes datas:

16 de agosto de 2023 - MERCORES - festividade de San Roque, co-patrono da Vila

8 de setembro de 2023- VENRES - Patrona da Vila, Santa Maria del Campo.

A Comisión Informativa por unanimidade dos seus membros acorda ditaminar favorablemente a mesma para a súa elevación ao Pleno municipal.

A Corporación, por unanimidade dos seus membros presentes en votación ordinaria, acorda:

1º. Prestar aprobación á Proposta da Alcaldía de referencia nos seus propios termos.

2º.-O traslado deste acordo á Consellería de Emprego e Igualdade para os efectos legais procedentes.

6.-CONTROL DOS ÓRGANOS DA CORPORACIÓN (ART. 46.2 DA LEI 7/1985, DE 2 DE ABRIL):

A)DACIÓN DE CONTA DOS DECRETOS DITADOS POLA ALCALDIA-PRESIDENCIA ENTRE O 1 DE MAIO E O 30 DE XUÑO DE 2022.

A Corporación queda enterada.



CORRECCION DE ERROS. DECLARACION DE URXENCIA.-

Pola Alcaldía-Presidencia pónese de manifestó a necesidade dunha corrección de erros no expediente 2323/2022 relativo ao suplemento de crédito 04/2022.

A Corporación acorda por unanimidade a declaración de urxencia pasándose ao estudo do asunto.

Trátase de corrixir o erro padecido no expediente 2323/2022 relativo ao suplemento de crédito núm. 4/2022, concretamente na aplicación orzamentaria de Ribadeo Indiano, num. 432/226.37 cando debería ser 432/226. 27.

Considerando, que o artigo 109.2 da Lei 39/2015, de 1 de outubro, do Procedemento Administrativo Común, das Administracións Públicas, sinala que as Administracións públicas poderán asimesmo rectificar en calquera momento, de oficio ou a instancia dos interesados, os erros materiais, de feito ou aritméticos existentes nos seus actos.

A Corporación, por unanimidade dos seus membros acorda prestar aprobación á corrección de erros de referencia nos termos expostos.

B)MOCIÓNS:

B.1EXPTE. 1511/2022 MOCION GRUPO PP SOBRE EXENCIÓN DE TAXAS NO POLIGONO INDUSTRIAL.

Dase conta da Moción que se transcribe:

“O GRUPO MUNICIPAL DO PARTIDO POPULAR de RIBADEO, a través da súa concelleira, Begoña Sanjurjo Santar, ao amparo do establecido no artigo 97 do Regulamento de Organización, Funcionamento e Réxime Xurídico das Entidades Locais, formula para a súa discusión e, no seu caso, aprobación no vindeiro Pleno, a seguinte **MOCIÓN**

Exposición de motivos:

O polígono industrial é un dos activadores da economía local, é moi importante que as empresas se asenten nel e ocupen todas as parcelas. O noso grupo municipal alégrase de calquera actuación que favoreza este asentamento. Pero nunca podemos deixar de mellorar as condicións para que as empresas escollan o noso polígono para establecerse.

Por todo elo, o Grupo municipal do Partido Popular eleva ao Pleno da corporación a presente moción, e propón os seguintes ACORDOS

PRIMEIRO: Solicitar a SEPES a rebaixa do 50% en todas as parcelas libres, achegándose así os prezos aos polígonos xestionados por XESTUR

SEGUNDO: Aumentar os incentivos fiscais:

- bonificando ata o 95% os importos municipais (IBI, IAE, ICIO) ós proxectos que impliquen nova implantación ou ampliación de empresas xa existentes. O 50% as empresas con 1-10 postos de traballo, o 75% aos que teñen entre 11 e 20 empregos e do 95% aos de máis de 20.
- eliminando a taxa de licenza de obra e de apertura

TERCEIRO: Creación dunha aceleradora de emprego, un espazo coworking para autónomos ou teletraballadores.”

Promóvese deliberación enre o voceiro do Grupo Popular Sr. Vega Pérez e o Alcalde-Presidente sobre o contido do asunto e remata a mesma sométese a votación resultando rexeitada por sete votos en contra dos membros do Grupo Municipal do BNG e cinco a favor (dos membros do Grupo Popular e Socilaista).



B.2 EXPTE. 2768/2022 MOCIÓN DA PLATAFORMA POLA SANIDADE PÚBLICA DA MARIÑA SOBRE O SERVIZO DE SAÚDE MENTAL NA COMARCA.

Pola Alcaldía dase lectura á Mocion da Plataforma pola Sanidade Pública da Mariña sobre o servizo de Saúde mental presentada neste Concello

Promovese deliberación intervido o Concelleiro do Grupo Popular Sr. Vega Pérez que se sinala que se trata dunha Moción tipo da Plataforma que xa se sabe que ten os seus criterios , que non se debe frivolar coa sanidade pública e que o goberno galego está adoptando medidas sobre este asunto aínda que non é malo reivindicar sempre mais. Defende que sí se incrementou e ampliou o Hospital da Mariña e que éste non ten nada que ver co Hospital de Jarrio, por exemplo. Anuncia que se van abster.

Sometida a votación a Moción indicada resulta aprobada por oito votos a favor (dos membros dos Grupos BNG e Socialista) e catro abstencións (dos membros do Grupo municipal Popular), acordándose en consecuencia instar á Xunta der Galicia a:

- 1.Solucionar de inmediato esta situación de emerxencia substituíndo as dúas ausencias de psiquiatría para dar así unha alternativa ás persoas que teñen unha cita ou a aquelas que levan meses agardando por unha consulta.
- 2.- Crear na USM de Burela un segundo equipo de continuidade de cuidados con outra enfermeira e outra TCAE e dotación de terapeuta ocupacional que non existe en Burela pero sí noutras USM.
- 3.-Cumprir coas ratios dotando á unidade de saúde mental de Burela dos psiquiatras e psicólogos clínicos recomendadas para manter unha atención digna, próxima, estable e que cumpra cos estándares de calidad editados polas sociedades científicas.
- 4.-Crear unha unidade infantoxuvenil de saúde mental na Mariña evitando desprazamentos innecesarios a Lugo e doten á USM doutras categorías como terapeutas ocupacionais, tal e como existen no resto dos servizos de saúde mental.
- 5.- Asumir como propias desde o SERGAS as Unidades Asistenciais de Drogodependencias (UAD) con orzamentos deste organismo desvinculándoas de subvencións a Concellos ou ONGs, regularizando a precaria situación das e dos traballadores e dignificando ás persoas que sofren trastorno adictivo.

EXPEDIENTE NUM. 3110/2022. DACIÓN DE CONTA DA RENUNCIA DA CONCELEIRA DONA MARI LUZ ALVAREZ LASTRA.-

Por la Alcaldía-Presidencia se da cuenta de la renuncia formulada por voluntad propia por la Concejala de su Grupo, el Bloque Nacionalista Galego (BNG) doña Mari Luz Alvarez Lastra en escrito presentado y lo que pone en conocimiento de la Corporación Municipal a los efectos legales procedentes y específicamente para cumplimiento de lo dispuesto en el artículo 182 de la LOREG vigente.

Se señala que procederá, una vez se adopte el acuerdo de aceptación por el Pleno, al envío a la Junta Electoral Central indicando el nombre de la persona que corresponde cubrir el puesto, siguiente de la lista electoral, que será el candidato núm. 9 Vanesa Yanes Rivas, de la lista del Bloque Nacionalista Galego (BNG) a las elecciones de mayo de 2019, (B.O.P. de Lugo número 0093 de data 24/04/2019) .



La Corporacion municipal, por unanimidad de sus miembros presentes, en votación ordinaria acuerda:

1º.La toma de conocimiento de la renuncia formulada por don D^a Mari Luz Alvarez Lastra al cargo de Concejala del BNG en el Ayuntamiento de Ribadeo.

2º.Solicitar que se proceda a la sustitución conforme a lo dispuesto en la Ley Orgánica del Régimen Electoral General expidiéndose la credencial correspondiente a favor el miembro miembro siguiente de la lista del BNG.

3º.La remisión del presente acuerdo con copia del escrito de renuncia a la Junta Electoral Central los efectos expresados.

A propia Concelleira Dona Mari Luz Alvarez pronuncia unhas palabras sobre os motivos persoais da renuncia pedindo disculpas por non poder chegar a rematar cos compromisos adquiridos xa que, dí, non pode estar ao cento por cento no desempeño da súa labor, da as grazas ao pobo de Ribadeo así como a todos os compañeiros de Corporación, funcionarios, técnicos, etc. cun cariño especial para o Alcalde-Presidente e tamén para o ex-concelleiro Sr.Castro Reigosa.

O Sr.Alcalde di que é moi difícil resumir en tres ou catro minutos a laboura de 23 anos de traballo e adicación ao Concello que agradece enormemente á concelleira adicándolle unhas palabras de cariño e como compañeira política lea que foi tanto nos bos como nos malos momentos.

Por parte dos voceiros da oposición fórmulanse tamén palabras de agradecemento e sinalan que como deferencia non formularán, no día de hoxe, ningún rogo nin pregunta.

C) ROGOS E PREGUNTAS.-

Non se formulan

Sendo as vinteunha horas e quince minutos e non habendo mais asuntos que tratar o Sr.Alcalde-Presidente levanta a sesión estendéndose a presente acta do que eu Secretario dou fe.

O ALCALDE,
Asdo. FERNANDO SUÁREZ BARCIA

O SECRETARIO XERAL,
Asdo. JOSÉ A.CARRO ASOREY

DOCUMENTO ASINADO ELECTRÓNICAMENTE Á MARXE

